

REPUBLIKA E SHQIPERISE
Këshilli i Ministrave

VENDIM

Nr. 152 datë 22.-3 .2001

PER

DISA SHTESA DHE NDRYSHIME NE VENDIMIN NR.831, DATE
28.12.1998, TE KESHILLIT TE MINISTRAVE., "PER DHENIEN ME
QIRA TE TOKES BUJQESORE, PASURI SHTETERORE

Në mbështetje të nenit 100 të Kushtetutës dhe të nenit 15, të ligjit nr.8318, datd 1.4.1998, "Për dhënie me qira të tokës bujqësore e pyjore, të livadheve dhe kullotave që janë pasuri shtetërore", me propozimin e ministrit të Bujqësisë dhe Ushqimit, Këshilli i Ministrave

VENDOSI:

Në vendimin nr.831, datë 18.12.1998, të Këshillit të Ministrave, bëhen këto shtesa dhe ndryshime:

1. Pika 1. 1, paragrafi i parë ndryshohet si vijon:

"Drejtoria e Bujqësisë dhe Ushqimit ose Drejtoria e Shërbimit Pyjor, në rreth, bën studimin për tokat bujqësore ose pyjore e me bimesi pyjore, të regjistruara në Zyrën e Regjistrimit të Pasurive të Paluajtshme, si pasuri shtetërore dhe që j epen me qira, në rrethin ku ajo shtrin juridiksionin.

2. Pika 1.2 ndryshohet si vijon:

"Ministria e Bujqësisë dhe Ushqimit shqyrton dhe miraton studimet e paraqitura nga Drejtoria e Bujqësisë dhe Ushqimit, në rreth, ndërsa Drejtoria e Përgjithshme e Pyjeve dhe, Kullotave ato të paraqitura nga Drejtoria e Shërbimit Pyjor, në rreth.

3. në titullin e vendimit, si dhe në pikat 1.1, shkronjat "a", "b", c e" dhe II.4 , pas fjalëve "...tokë bujqësore" shtohen fjalët "pyjore dhe me bimësi pyjore."

4. Pas pikës 11.3, shtohet pika 3/1, me këtë përmbajtje:

"Bordi i dhënies me qira të tokës , pyjore e me bimësi pyjore, përbëhet nga nëntë anëtarë, të cilët janë drejtori i Shërbimit Pyjor, në rreth, specialist pyjesh, ekonomist, agronom, specialist blegtorie, specialist i mjedisit, specialist i kadastrës, topograf dhe jurist. Kryetar i bordit është drejtori i Shërbimit Pyjor, në rreth. Krijimi i bordit bëhet me urdhër të drejtorit të Përgjithshëm të Pyjeve dhe Kullotave."

5. Pika 11.5 ndryshohet si vijon:

"Bordi i dhënies me qira të tokës bujqësore, pyjore dhe me bimësi pyjore përcakton fituesin e ankandit dhe ia paraqet atë për miratim ministrit të Bujqësisë dhe Ushqimit. Pas miratimit, bordi shpall fituesin dhe Dreitoria e Bujqësisë dhe Ushqimit ose Drejtoria e Shërbimit Pyjor, në rreth, lidhin kontratat përkatëse.".

Ky vendim hyn në fuqi pas botimit në "Fletoren zyrtare".

KRYEMINISTRI

ILIR META

MINISTRI I BUJQESISE DHE USHQIMIT
LUFTER XHUVELI